

# Y Pwyllgor Busnes

---

Lleoliad: **Swyddfa'r Llywydd, 4ydd llawr – Tŷ Hywel**

Dyddiad: **Dydd Mawrth, 9 Mehefin 2015**

Amser: **08.30 – 08.41**

Cynulliad  
Cenedlaethol  
Cymru

National  
Assembly for  
Wales



**Cofnodion:** Preifat

**Aelodau'r Pwyllgor:**

**Y Fonesig Rosemary Butler (Cadeirydd)**  
**Paul Davies**  
**Jane Hutt**  
**Elin Jones**  
**Aled Roberts**

**Staff y Pwyllgor:**

**Aled Elwyn Jones (Clerc)**

**Eraill yn bresennol:**

**David Melding AC, Y Dirprwy Lywydd**  
**Christopher Warner, Pennaeth Gwasanaeth y Pwyllgorau**  
**Polisi a Deddfwriaeth**  
**Siân Wilkins, Pennaeth Gwasanaeth y Siambr a**  
**Phwyllgorau**  
**Craig Stephenson, Cyfarwyddwr Dros Dro Gwasanaethau'r**  
**Comisiwn**  
**Peter Greening, Llywodraeth Cymru**

---

## 1 Ymddiheuriadau a chyhoeddiadau

## 2 Cofnodion y cyfarfod blaenorol

Nododd y Pwyllgor y cofnodion i'w cyhoeddi.

## 3 Trefn Busnes

### 3.1 Busnes yr Wythnos Hon

Gohiriodd y Llywodraeth Dadl Cyfnod 3 ar Fil Cymwysterau Cymru i'r wythnos ganlynol (Dydd Mawrth 16 Mehefin). Cynigiodd y Llywodraeth i gynnal Cyfnod 4 yn syth ar ôl dadl Cyfnod 3. Dywedodd y Llywydd wrth y Rheolwyr Busnes y byddai'n penderfynu a ddylai roi ei chaniatâd i hynny ddigwydd, ar ôl cwblhau Cyfnod 3.

Cafodd y Pwyllgor y wybodaeth ddiweddaraf gan y Gweinidog Cyllid a Busnes y Llywodraeth am y newidiadau i Fusnes y Llywodraeth ddydd Mawrth.

Ddydd Mawrth, ni fydd Cyfnod Pleidleisio. Cytunodd y Pwyllgor Busnes y dylid cynnal y Cyfnod Pleidleisio cyn y Ddadl Fer ddydd Mercher.

### 3.2 Amserlen Busnes y Llywodraeth ar gyfer y tair wythnos nesaf

Nododd y Rheolwyr Busnes, yn sgil gohirio dadl Cyfnod 3 ar Fil Cymwysterau Cymru, fod amserlen busnes y Llywodraeth ar gyfer y tair wythnos nesaf wedi newid yn sylweddol.

### 3.3 Amserlen Busnes y Cynulliad ar gyfer y tair wythnos nesaf

Penderfynodd y Pwyllgor Busnes ar drefn y busnes a chytunodd i amserlennu'r eitemau a ganlyn:

#### Dydd Mercher 1 Gorffennaf 2015

- Dadl ar Adroddiad Blynyddol y Pwyllgor Cyfrifon Cyhoeddus (60 munud)
- Amser a neilltuwyd i'r Ceidwadwyr Cymreig (60 munud)
- Amser a neilltuwyd i Blaid Cymru (60 munud)

## 4 Deddfwriaeth

### 4.1 Bil Iechyd y Cyhoedd (Cymru)

Yng nghyfarfod yr wythnos diwethaf, nododd y Rheolwyr Busnes bryderon y Pwyllgor Iechyd a Gofal Cymdeithasol ynglŷn ag amserlen arfaethedig Bil Iechyd y Cyhoedd (Cymru) ac ystyriwyd cais i ymestyn y terfyn amser ar gyfer cwblhau trafodion Cyfnod 1 am bythefnos. Ar gais y Gweinidog, cytunodd y Pwyllgor i ohirio'r penderfyniad am wythnos er mwyn caniatáu cynnal trafodaethau ar y materion ymarferol sy'n ymwneud ag ymestyn terfyn amser.

Yn dilyn trafodaethau rhwng swyddogion y Comisiwn a Llywodraeth Cymru, bu Rheolwyr Busnes yn ystyried papur yn amlinellu sut y gellid cyflwyno gwelliannau Cyfnod 2 i'r Bil am ddeuddydd yn ystod toriad y Nadolig, ar 14 a 15 Rhagfyr 2015 petai terfyn amser Cyfnod 1 yn cael ei ymestyn.

Cytunodd y Rheolwyr Busnes i ymestyn y terfyn amser i'r Pwyllgor adrodd ar ei waith craffu yng Nghyfnod 1 am bythefnos ar ôl cynnig cychwynol y Llywodraeth, o 13 Tachwedd i 27 Tachwedd, a chytunwyd y gellid cyflwyno gwelliannau ar 14 a 15 Rhagfyr 2015.

Cytunodd y Rheolwyr Busnes mai'r terfyn amser ar gyfer cwblhau trafodion Pwyllgor Cyfnod 2 fyddai 5 Chwefror 2016.

## **5 Pwyllgorau**

### **5.1 Y Pwyllgor Deisebau: Cais i ymweld â Brwsel**

Cytunodd y Rheolwyr Busnes ar gais gan y Pwyllgor Deisebau i ymweld â Senedd Ewrop ym Mrwsel ddydd Mawrth 23 Mehefin 2015.

### **UNRHYW FATER ARALL**

Yn wyneb nifer o gwestiynau llafar yn cael eu tynnu'n ôl yr wythnos flaenorol oherwydd bod Aelodau ar ymweliad Pwyllgor, atgoffodd y Llywydd y Rheolwyr Busnes i sicrhau bod Aelodau a fydd yn absennol o'r Cynulliad yn tynnu eu henwau o'r pleidleisiau perthnasol er mwyn osgoi sefyllfa debyg rhag codi eto.